

2º CERTAME MUSICAXOVE'09


BASES DA CONVOCATORIA

O Departamento de Xuventude do Concello de Santiago de Compostela convoca o 2º Certame MUSICAXOVE'09 co obxectivo de promover, impulsar e canalizar a creatividade musical dos xoves, como unha iniciativa máis nun conxunto de propostas que tratan de poñer en marcha estratexias nesta perspectiva.

Unha vez posto a disposición dos grupos musicais e solistas da cidade un local con dúas salas independentes para ensaios onde contan con material básico para a práctica musical, estamos a desenvolver un labor de promoción e difusión das súas actividades e a realización de concertos, ben organizados por este servizo municipal ou a través de colaboracións con outras institucións, colectivos, salas de concertos, empresas, entre outros axentes; sempre como accións que incidan no obxectivo proposto.

Así mesmo, editamos unha publicación que acolle a un número importante dos grupos que ensaian nos *Locais Municipais de Música para a xuventude de Compostela*, como un recurso importante para a promoción das bandas que alí teñen o seu punto de encontro e de práctica da música, dirixida e distribuída entre a prensa especializada, departamentos de cultura e de festas dos concellos galegos, produtores musicais, salas de música e promotores de concertos.

Agora, nesta liña de apoio á creatividade musical créase este Certame que, ademais de ter como destinatarios aos artistas emerxentes que manteñen a súa actividade en Santiago, ábrese ao intercambio e á ampliación do círculo, dando cabida a todas aquelas bandas e solistas que teñan como sede calquera dos Locais municipais de Ensaio distribuídos polo territorio de Galicia, que integran a Rede Galega de Locais de Ensaio promovida pola Dirección Xeral de Xuventude.



CONCELLO DE SANTIAGO

Departamento de Xuventude

NORMAS XERAIS DE PARTICIPACIÓN

1ª- Poderán participar no concurso todos aqueles grupos ou solistas, con idades comprendidas entre os 16 anos e os 35 anos, que ensaien en locais inscritos na Rede Galega de Locais de Ensaio. No momento da inscrición achegarán documento que acredite dita pertenza.

2ª- Inscricións:

Datas: entre o 18 de febreiro e o 21 de marzo de 2009

Lugar: Rexistro Xeral do concello de Santiago (Rúa Frei Rosendo Salvado, nº 14-16)

Horario : en días laborables de 9 a 14 horas

Calquer información complementaria relacionada co CERTAME MÚSICAXOVE'09 pódese consultar :

. Centro Xuvenil O Ensanche (Rúa Frei Rosendo Salvado nº14-16), tf 981 543 001

dptoxuventude@santiagodecompostela.org

. Departamento de Educación e Xuventude (Rúa do Vilar 13 1º), tf 981 554 400


dptoeducacion@santiagodecompostela.org

3ª- Os participantes non poderán ter ningún disco editado, agás os autoeditados, nin relación contractual con empresas discográficas.

DOCUMENTACIÓN A PRESENTAR

4º- Cada grupo ou solista deberá realizar a solicitude no impreso normalizado. Xunto coa devandita solicitude achegarase:

- a) Boletín de inscrición debidamente cumprimentado.
- b) Fotocopia do DNI ou tarxeta de residente polas dúas caras de cada un dos compoñentes.
- c) En caso de presentar tarxeta de residente ou de non constar no DNI nacemento ou domicilio no Municipio onde haxa un equipamento da Rede Galega de Locais de Ensaio, deberase manifestar por escrito estar empadroadado no municipio de que se trate para a súa posterior comprobación, ou ben, acreditación do centro educativo ou empresa do municipio onde estude ou traballe.



CONCELLO DE SANTIAGO

Departamento de Xuventude

- d) No caso de que o participante sexa menor de idade, autorización da nai/pai ou titora/or legal para participar nesta convocatoria, así como para calquera cuestión con ela relacionada.
- e) Fotografía recente do grupo ou cantautor.
- f) Traxectoria musical do grupo/cantautor, ou dos seus compoñentes.
- g) Maqueta en disco compacto, que inclúa dous temas orixinais en letra e música, gravados polo grupo ou cantautor, que serán interpretados no concerto final do Certame. Non se admitirán aquelas que sexan adaptación doutros orixinais, nin as que fosen premiadas noutros certames.
- h) Documento que acredite a súa participación estable nalgún dos Locais da Rede Galega de Locais de Ensaio.

ESTILOS MUSICAIS


5º- Establécense as seguintes modalidades ás que se adscribirán os participantes:

- a) Pop-Rock
- b) Metal
- c) Canción de autor-Folk
- d) Hip-Hop

ADMISIÓN AO CERTAME

6ª- Unha vez revisada a documentación achegada coa solicitude de inscrición, o Departamento de Xuventude do Concello de Santiago publicará, con efecto de notificación, nun prazo non superior a cinco días a contar desde a finalización do período de inscrición estipulado nos taboleiros de anuncios do Departamento de Educación e Xuventude e no Centro Xuvenil O Ensanche:

- Relación de participantes admitidos ao Certame.
- No seu caso, relación de participantes excluídos por incumprimento dalgún dos requisitos, con indicación dos mesmos.
- Deseguido, concederáse un prazo de cinco días naturais, a contar desde o seguinte á publicación da lista, para a subsanación das posibles incidencias. Transcorrido dito prazo, procederáse á publicación da lista definitiva de participantes admitidos.



CONCELLO DE SANTIAGO

Departamento de Xuventude

ACEPTACIÓN

7ª- A participación neste Certame conleva a aceptación total destas bases e, ata a constitución do xurado, calquer dúbida sobre a interpretación das mesmas será resolta polo Departamento de Xuventude do Concello de Santiago.

8ª- A organización poñerá o máximo interese no coidado das obras recibidas, pero declina toda responsabilidade sobre danos ocasionados accidentalmente.

XURADO

9ª- O xurado do Certame MUSICA XOVE'09 estará composto por especialistas do ámbito da música, e será presidido polo Concelleiro de Xuventude ou persoa en quen delegue, actuando como secretario o Xefe do Departamento de Educación e Xuventude. O xurado valorará a utilización da lingua galega polos participantes, en textos, imaxe corporativa, e en calquera outro elemento promocional de cada grupo ou solista.

10ª- O fallo do Xurado será público e inapelable. A súa composición darase a coñecer no momento de emitir o fallo. A participación no Certame MUSICAXOVE'09 supón a plena aceptación das bases, así como a decisión do xurado diante de calquer imprevisto non recollido nas mesmas ou controversia derivada da interpretación destas.

DESENVOLVEMENTO


11ª- O Xurado, previa audición das maquetas presentadas ao Certame, seleccionará como mínimo tres participantes por modalidade que accederán á fase de actuación en directo nun Concerto final onde interpretarán como mínimo os dous temas presentados na maqueta e dous temas máis a libre elección, en lugar e data a determinar polo Departamento de Xuventude do Concello de Santiago.

12ª- Finalizadas as actuacións dos grupos no concerto final, comunicarase públicamente a decisión do xurado sobre os premios establecidos para esta convocatoria.

PREMIOS

13ª- O Concello de Santiago, por proposta do xurado, concederá os seguintes premios, que poderán declararse desertos e que non poderán ser compartidos:

- 1- Catro primeiros premios, un por modalidade, de 2000 euros cada un.



CONCELLO DE SANTIAGO

Departamento de Xuventude

2- Catro segundos premios, un por modalidade, de 1000 euros cada un.

3- Catro terceiros premios, un por modalidade, de 500 euros cada un.

14^a- Todos os premios deste Certame quedarán sometidos á correspondente retención en concepto do Imposto sobre a Renda das Persoas Físicas, consonte á normativa vixente.

PROMOCIÓN

15^a- Coa finalidade de promocionar aos gañadores do Certame, o Departamento de Xuventude poderá requirir dúas actuacións do primeiro premio, unha do segundo e unha do terceiro, de cada unha das modalidades, que non suporán gasto adicional para os grupos.

16^a- Todos os participantes no Certame autorizan á organización a reproducir o seu nome, temas, imaxe e calquera outra actividade publicitaria ou promocional relacionada co mesmo.

17^a- Editarase un disco compacto cos premiados das modalidades convocadas. Con este fin, os artistas cederán os dereitos de reprodución de ditas obras.

18^a- De conformidade co previsto no art. 5 da Lei 15/1999, de 13 de decembro, de Protección de Datos de Carácter Persoal, os datos persoais recollidos nas solicitudes de participación ao Certame MUSICAXOVE'09 serán incorporados e tratados no sistema informático do Departamento de Educación e Xuventude do Concello de Santiago de Compostela, e poderán ser utilizados só a efectos de difusión das actividades organizadas por este Concello, podendo exercer diante do mesmo os dereitos de acceso, rectificación, cancelación e oposición, de conformidade co establecido na lexislación vixente, dirixíndose por escrito ao Departamento de Educación e Xuventude (Rúa do Vilar nº13, 1º - 15705 Santiago de Compostela).